



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm XLVI. Constitutis &c.

[urn:nbn:de:hbz:466:1-62587](#)

præjudicat officio Iudicis & not. 2. Quod causa beneficialis nunquam transit in rem judicatam. c. Cum olim. 7. de dolo.

Not. IV. Legatus à latere, cum vicem Summi Pontificis specialiter repræsentet, causam, in qua appellatum est, examinare potest, non ut appellationis cursum impe- diat, sed causam instructam ad Sedem Apo- stolicam transmittat, idque esse speciale in legato, ait Abb. h̄c. n. 19. & addit. Hostiens. h̄c. quod Legatus in aliquo casu ob pericu- lum scandali causam etiam definire possit.

CAPITVLVM XL VI.

Constitutis &c.

P A R A P H R A S I S.

Vacante Præpositurâ Saluatoris, constituto electionis die Episcopus Metensis adiun- rauit Canonicos, ut unum ex duobus, in quos electores oculos intendere videbā- tur, quem Ecclesiae magis utilem & idoneum censerent, Præpositum eligerent. Tum Decanus cum quibusdam aliis Can- torem nominauit; at verò ipse Cantor cum aliis pluribus Cancellarium Meten- sem elegit, eamque electionem tanquam à maiore & saniore parte Capituli factā, Episcopus, cum de electe persona honestate constaret, confirmauit. Postea verò cum secundūm morem, domum & inve- stituram dare vellet, Decanus ad Ponti- ficem appellauit, id solum allegans, quod Cancellarius in ijs partibus impotens es- set ad possessiones Præposituræ defendē- das, adiiciens plura se obiecturum coram Papa, quæ nollet proferre coram Episco- po. His cognitis respondit Innoc. III. Cū manifestum sit, causam illam, quæ erat expressa, rationabilem non esse, alia autem tunc expressa non fuerit, id est confirmationis effectum impediri non posse; si quid tamen Decanus non per modum exceptionis ad impedientium effectum elec- tionis & confirmationis, sed per modum denuntiationis, aut accusationis proponere velit; audiendus erit, postquā

Cancellarius pacificam Præposituræ pos- sitionem asseditus fuerit.

S V M M A R I V M.

1. Superior potest electores juramento adstringere, ut eligant quem ex gremio Ecclesie suæ magis idoneum & utilem judicauerint. Peccant nisi talēm eligant. Valet tamen elec- tio, omisso digniore, si modo dignus eliga- tur.
2. Is cuius morum honestas, aut doctrina nota est, examinandus per se loquendo non est.
3. Defectus potentie & dinitiarum non im- dit personæ alias digne electionem ad di- gnitatem, nisi in casu raro, quo necessaria foret pro defensione Ecclesia contra hostes persona potens.
4. Si electus confirmetur, nullo contradicente, appellatio admitti non debet, nisi allegata causa rationabilis.
5. Legitimè confirmatus, aut qui beneficij col- lationem accepit, potest possessionem capere, neque admittenda est exceptio, nisi sit de criminis juncto cum infamia, vel sit defec- tu proprietatis, aut in continentii pro- bari possit.

Not. I. Superior potest electores jura- mento adstringere, ut eligant eum ex gremio Ecclesie suæ, quem magis idoneum & Ecclesie utilem judicārint; nam ad id ob- ligantur, & nisi talēm eligant, peccant, teste Abbe h̄c. n. 7. Franc. colum. 2. Sed valet ni- hilominus elec- tio, dummodo idoneus sit, qui eligitur, licet alius, qui prætermittitur, sit magis idoneus. *vii docui l. 4. rr. 2. c. 15. q. 1.*

Not. II. Si nota sit alicuius morum ho- nestas aut doctrina, tunc examine opus non est per se loquendo, frustra enim adhibetur indagatio eius rei, quæ in aperto, seu cognita est. *arg. c. 2. dist. 2. 4. vbi gloss. ait: quod no- ti non sunt examinandi sed ignoti.*

Not. III. Defectus potentie, ac dicitia- rum, si persona alioqui digna sit & idonea, non impedit, quo minus ad dignitatem eli- gatur; præterquam in raro casu, si talis sit ali- cius Ecclesie status, ut adversus hostes de- fendi non possit, nisi persona potens præ- ficia-

z z z

siciatur, sicuti *Abbas hic monet. num. 11.*

4. Not. IV. Si electus confirmetur nullo contradicente comparente, ad eoque præmissa cognitione causæ non plena sed summa, appellatio admitti non debet, nisi allegata causa rationabili. Ita *Ioan. Andr. inc. Auaritia. de elect. in b. Franc. l. Circa. glos. verb. alias.*

5. Not. V. Si quis à legitimo Superiore confirmatus sit, aut beneficij collationem acceperit, con sequenter etiam possessionem capere potest, neque admittenda est exceptio, nisi sit de crimine juncto cum infamia. c. *Accedens. 23. de accusat.* vel si defecetus proprietatis manifestus sit, aut in continenti probari possit. v. g. electores aut confirmatores non habuisse potestatem, vel collationem impetratam fuisse per literas falsas iuxta *gloss. in c. primo. verb. contentionem. de restitutione spoliat.* & tradit hic *Alex. n. 43. Franc. col. penult. ex l. 3. §. ibidem. ff. ad exhibendum.* Vbi *Bartol.* tradit, quod in causis summiatis exceptiones altiorum indagine requirentes non admittuntur, sed ad causam principalem referuantur. Insuper aiunt DD. citati, tametsi probatio exceptionis statim offeratur, tamen audiendam non esse, si præsumptio sit contra excipientem, quod malitiosè opponat secundum *gloss. hic verb. in modum except.* nihilominus audiendus postea erit, si actionem contra possessorem instituere velit, ut ex hoc cap. appareret.

CAPITULUM XLVII.

Ex parte.

P A R A P H R A S I S.

Quotiescunque Iudex aliquem ad judicium citat, exceptio opponi potest, quod securus ad locum accessus non sit; si exceptio ista à Iudice non admittatur, citatus appellare potest, nil obstante, quod causa delegata sit, remota appellatio, preterquam si Iudex alium locum idoneum & securum designet.

S U M M A R I U M.

1. Index si partibus non assignet judicij locum,

tutum, appellari potest, etiam post litem contestatam.

2. Citatus autem allegare & probare debet locum non esse tutum, nisi notorium sit.
3. Limitatur predicta doctrina.

N Otand. Unicum. Iudex ad locum Iudicij citare debet, quo citatus, eiūs Procurator, aduocatus item & testes, leucire ac sine periculo accedere possunt. c. *Sine. 4. causa. 33. q. 2.* Et nisi locus idoneus & securus assignetur, appellari potest teste gl. *ibidem.* idque extendi debet, vt appellatio loci sit, quotiescunque citatio fit ad locum non tutum. v. g. peste infectum, rametsi prima & altera vice appellatum non sit, et enim Iudex iterum citando, denouo grauat, arg. *huius c. verb. quoties.* Et videri potest *Gail. l. 1. obseru. 52. n. 3. vbi addit:* licet exceptio loci non tūtū dilatoria sit, tamen quotiescunque tempore opponi posse, etiam post litem contestatam, quia habet grauamen successuum, teste *Felin. in c. Accedens. 4. n. 13. vt lite non contestata.* Et iterum ait *Gail. n. 7.* quod omnia bona ob contumaciam in non comparendo inflicta, ipso jure nulla sint, & executionem non mereantur, quia nemo se periculo exponere tenet. c. *de Cler. non resid. in 6.*

Veruntamen citatus allegare debet, locum non tutum esse, nisi id notorium sit, quin etiam probare debet, accessum non tutum esse propter generalem regulam sumptam ex c. *Ex parte. 7. de testibus.* quod Iudex credere non tenetur, si quid opponatur, quod eius jurisdictionem impedit, nisi proberetur.

Excipe 1. Si Iudici notum sit, locum non esse tutum, sufficit allegare & appellare. arg. c. *Si duobus. 7. b. 1.* nam qui scit, certior reddi non debet: reg. *31. in 6.*

Excipe 2. Si in tali casu, in quo nec per se notorium, nec Iudici notum est, citatus ipse met accedere non possit, tunc Procuratorem, aut excusatorem mittere debet arg. c. *Cum dilecti. 6. junct. gl. verb. responsalem. de dolo.* si neminem absque periculo mittere possit, tunc in praesentia bonorum viorum

rum